


Summa Summarum/kein Acker ist/es kan durch diese beyde Capittel seine ware groß erfunden werden/ Derwegen du sonderlich grossen fleiß vnd achtung/vff diß gegenwertige Capittel legen wollest/ damit du sein leufftig vnd fertig werdest/ Darffst dich auch/für der schwere nicht entsetzen / es scheint wol vom ansehen etwas schwer sein / aber es ist nur vmb ein auffsehen zu thun/so ist alle sach richtig vnd leicht.

Wir verstehen aber in diesem Capittel/durch das wort Cirkeltrumb / ein stück von einem Cirkel / grösser vnd kleiner/denn ein halber Cirkel/ doch das nur von zweyen Linien einer geraden / vnd einer Cirkelrunden beschlosssen sey / Wie die Figuren anzeigen.



Damit du dich auch desto leichter/könnest in den ganzen handel richten/wolln wir dich von erst zweyer stück vnterrichten / ehe denn wir von erfindung der grösser reden / denn man zuzeiten von der Figur / A. B. C. D. mehr nicht / denn die Linien A D B. (so wir die Sennlinien/ oder die Linien/ so den bogen

zwier berüret/ nennen wollen) vnd die Linien C D. (so wir den holzen nennen wollen) zu geben pflegen / vnd von der Figur